

12 OCT, 2020

Lebih banyak saringan

Harian Metro, Malaysia

Page 1 of 2



KAKITANGAN Hospital Duchess of Kent dan Majlis Perbandaran Sandakan kelihatan sibuk memasang katil di Kompleks Sukan Sandakan yang akan dijadikan Pusat Rawatan Covid-19 yang stabil, semalam. Hospital Duchess of Kent Sandakan dengan kerjasama Majlis Perbandaran Sandakan memasang 200 katil di Kompleks Sukan Sandakan yang akan dijadikan Pusat Rawatan Covid-19 bagi pesakit yang stabil berikutan peningkatan kes jangkitan di daerah ini.

Lebih banyak saringan

Tumpu di kawasan terbabit PKPD dan PKPD Secara Pentadbiran

Oleh Muhaamad Hafis
Nawawi
mhafis@hmetro.com.my

Kuala Lumpur

Lebih banyak aktiviti saringan di lapangan dilakukan terutama di kawasan terbabit Perintah Kawalan Pergerakan Diperketatkan (PKPD) dan PKPD Secara Pentadbiran.

Ketua Pengarah Kesihatan, Tan Sri Dr Noor Hisham Abdullah berkata, Sabah mencatat jumlah kes tertinggi iaitu 277 kes (74.1 peratus) kelmarin diikuti Kedah 27 kes (7.2 peratus) yang semuanya adalah daripada Kluster Tembok.

Katanya, kes membabitkan penghuni penjara manakala kluster lain adalah terkawal hasil tindakan kesihatan awam yang dijalankan.

“Di Kedah, tiada kluster baharu dilaporkan dan kluster aktif lain pula tidak menjejaskan kes baharu,” katanya dalam satu kenyataan, semalam.

Dr Noor Hisham berkata,

Lembah Klang pula merangkumi 13.1 peratus daripada jumlah keseluruhan kes iaitu Selangor 44 kes, Wilayah Persekutuan Kuala Lumpur empat kes dan Wilayah Persekutuan Putrajaya satu kes.

“Sebanyak 17 daripada 374 kes dilaporkan semalam adalah pengunjung yang pulang dari Sabah, sekali gus menjadikan jumlah kes dilaporkan mempunyai sejarah perjalanan ke Sabah sejak 20 September lalu sebanyak 341 kes di mana

enam daripada 17 kes itu dilaporkan di Selangor (35 peratus).

“Enam kluster baharu dikenal pasti semalam iaitu empat kluster di Selangor, satu kluster di Sarawak dan satu kluster di Sabah selain 10 kluster aktif lain turut mencatat kes positif Covid-19,” katanya.

Beliau berkata, dua jururawat juga dikesan positif Covid-19. Kedua-duanya bertugas di Hospital Queen Elizabeth 2 (HQE2).

“Sejak awal wabak hingga

kini, 198 kakitangan Kementerian Kesihatan Malaysia (KKM) di Sabah dijangkiti Covid-19.

“Setakat Oktober ini sahaja mencatat jumlah paling tinggi iaitu 85 individu, berbanding pada September iaitu 66 orang.

“Susulan kes positif jururawat terbabit, 92 pegawai perubatan dan jururawat di HQE2 disaring di mana 40 jururawat dikuarantinkan,” katanya.

Namun, katanya, perkhidmatan di Unit Rawatan Rapi (ICU) HQE2 masih berjalan seperti biasa namun mengurangkan jumlah pesakit daripada lapan kepada enam.

“Semua petugas kesihatan/perubatan diingatkan bahawa mereka juga boleh dijangkiti Covid-19 di dalam komuniti mahupun ketika bertugas.

“Peperangan dengan Covid-19 hanya boleh dimenangi dengan kesepadan semua pihak dengan mematuhi prosedur operasi standard (SOP) yang ditetapkan,” katanya.



ORANG ramai dilihat mematuhi SOP dengan memakai pelitup muka ketika mengunjungi Pasar Tani di Labuan bagi mencegah penularan wabak Covid-19.

★



12 OCT, 2020

Lebih banyak saringan

Harian Metro, Malaysia

Page 2 of 2

SUMMARIES

KAKITANGAN Hospital Duchess of Kent dan Majlis Perbandaran Sandakan kelihatan sibuk memasang katil di Kompleks Sukan Sandakan yang akan dijadikan Pusat Rawatan Covid -19 yang stabil, semalam. Hospital Duchess of Kent Sandakan dengan kerjasama Majlis Perbandaran Sandakan memasang 200 katil di Kompleks Sukan Sandakan yang akan dijadikan Pusat Rawatan Covid-19 bagi pesakit yang stabil berikutan peningkatan kes jangkitan di daerah ini.